

叢書集成續編


四六

新文豐出版公司印行

叢書集成續編

第四六冊目錄

宗教類



宗教論文

三教源流搜神大全七卷……………宋 不著撰人 卽 園 一
天方典禮擇要解二十卷後編一卷……………清 劉 智撰 金陵叢書 九三

佛教經典

佛說十八泥犁經一卷……………漢 安世高譯 卽 園 二〇三
佛說鬼問目蓮經一卷……………漢 安世高譯 卽 園 二〇九
佛說雜藏經一卷……………晉 釋法顯譯 卽 園 二二三
佛說四十二章經注一卷……………宋 眞 宗注 卽 園 二二一
餓鬼報應經一卷……………不著撰人 卽 園 二三五
金剛經心經註解一卷附金剛經感應錄分類輯要一卷……………不著撰人 有 福讀書 二四一
修刪阿彌陀經一卷……………日 太宰純著 甘 雨亭 二八一

佛教雜著

大唐三藏玄奘法師表啓一卷……………唐 釋玄奘撰 吉 石 盒 二九一
新槩大唐三藏法師取經記二卷……………宋 不著撰人 吉 石 盒 二九九
護國寺元人諸天畫像讚一卷……………明 傅 巖撰 武林掌故 三〇九
奏對機緣一卷……………清 釋道忞著 昭 代 三二三
念佛三昧一卷……………清 金人瑞著 檀 几 三三五

EP066/11

佛解六篇一卷.....	清	畢熙暘著	檀	几	三三九
西城風俗記一卷.....	清	金人瑞著	昭	代	三四五
牧牛圖頌一卷又十頌一卷.....	清	釋普明等撰	喜	咏軒	三五三
佛國禪師文殊指南圖讚一卷.....	清	張商英撰	吉	石盒	三七五
西藏大呼畢勒罕考一卷.....	民	張伯楨撰	滄	海	三八五
諸佛出世事蹟考一卷.....	民	張伯楨撰	滄	海	四〇七
榮武佛開光說法錄一卷.....	民	張伯楨記	滄	海	四一七
佛法靈感記一卷.....	民	羅桑彭錯撰	滄	海	四二三

佛教論文

肇論中吳集解三卷.....	宋	釋淨源集	宸	翰樓	四二九
心燈錄六卷.....	清	湛愚老人撰	金	陵叢書	四七一

道教

太上感應靈篇圖說一卷附錄一卷.....	元	陳堅撰	武	林往哲	五九九
丹桂籍註案四卷.....	明	顏正著	有	福讀書	六二三
太上感應篇註二卷.....	清	王硯堂註	有	福讀書	七二三

三教源流
搜神大全

徐崇立署

巳酉春仲
邨園授刊

重刊繪圖三教源流搜神大全序

曩閱毛晉汲古閣宋元秘本書目子部類載有元板畫像搜神廣記前後集二本云凡三教聖賢及世奉眾神皆有畫像各考其姓名字號爵里及封贈謚號甚詳亦奇書也但毛書售之潘稼堂太史後展轉散佚近三百年其書有無傳本不可得而知也已丑過夏都門忽從廠肆見之圖極精神字體塙為元時舊刻以議值未就越日遂不可踪跡悵恨久之然當時雖匆匆一閱其全書體式固至今在胸臆也乙巳與秀水金蘭伯太守容鏡訂交長沙文酒過從縱談古今可喜可愕不傳之書以此屈一指太守為余言昔官京曹時亦曾見之于廠肆後知為上海姚子梁觀察文棟購去子梁之弟名文相與余同鄉舉丙申余與子梁同居京師宣武城南北半截胡同比隣相近子梁尚無此書迄今十餘年久不通音問雖欲取證徒付夢想已耳丁未七月作客武昌時江陰繆太夫子小珊先生共事存古講席因論異書秘籍湮沒無傳者間及是書先生言藏有明刻繪圖本三教源流搜神大全七卷即元板畫像搜神廣記之異名書中圖像與元本三教搜神大全

序

無甚差異因約他日相借影寫刊行別後余歸長沙先生返金陵冬間郵寄來湘亟取展讀如逢故人如還失物憶往時所見元本誠如先生所云惟明刻增入洪武以下封號及附刻神廟楹聯知為坊估所竊竄然于聖宋皇元字樣寫多仍其舊蓋雖明人重刻猶可推見元本真面也余因督工寫刊於字之顯然訛繆者悉依文義校改圖像則一再細勘無累黍之失是書之復顯於世真大幸矣至諸神履貫事蹟大都雜取小說及二氏之書其文不見於史乘亦不可據為典要特六七百年民間風俗相沿之故古昔聖王神道設教膺民為善之心是固考古者所當知也後有採風之君子其將以斯載之輶軒也夫宣統元年春王正月人日葉德輝序



儒氏源流

至聖文宣王魯曲阜平鄉闕里其先宋人也大聖曾大父曰孔防叔避
宋華督之難徙居于魯生伯夏伯夏生叔梁紇長子曰孟皮字伯尼有疾
不任繼嗣次子則先聖是也魯襄公二十一年冬十一月庚子日乃先聖
誕生之日有二龍繞室五老降庭五老者五星之精也母顏氏之房聞秦
鈞天之樂空中有聲云感生聖子故降以和樂笙鏞之音故先聖之生大
非凡同而質甚異而首秀圩頂故因名丘字仲尼史記孔子生而叔梁紇
沒乃塋於防山孔子為兒之時嬉戲常以師陳俎豆設禮先聖身長九尺
腰闊十圍凡四十九表胸有文曰制作定世之符友首注面月角日準坐
如龍蹲立如鳳時望之如仆就之如昇耳垂珠庭龜脊龍形虎掌肱肱赤
膚河目海口山臍林背翼臂斗唇注頭龍鼻阜腴堤眉地足谷竅雷聲澤
腹昌頤均頤輔喉駢齒眉有一十二彩目有六十四理其頭似堯其額似
舜其項類皋陶其肩類子產自腰以下不及禹三寸有大聖之德學極天

人道窮秘與龜龍術員之書七政五緯之事抱犧黃帝之能堯舜周公之
美魯定公以先聖為中都宰一年四方諸侯皆則焉九年始為邑宰十年
為司空十一年為司徒攝行相事十四年誅魯大夫亂政者少正卯與聞
國政三月粥豚羔者弗飾賈男女行者別於道塗不拾遺四方之客至乎
邑者不求有司皆予之以歸而大聖雖道高德廣生而知之亦學琴于師
襄學禮于老聃時去魯四十年魯哀公十一年先聖自衛反魯刪詩書定
禮樂成六藝晚而喜易讀之繙編三絕為之彖象文言繫辭以發其秘告
弟子於洙泗北門七徒三千傳徒六萬賢有七十二人昔者先聖未生時
有麟吐玉書於闕里其文名曰水精子繼周衰而素王顏氏異之以繡絞
繫麟角信宿而麟去至哀公十四年西狩太野叔孫氏車子鋤商獲獸以
為不祥先聖視之曰麟也胡為來哉反袂拭面泣涕沾衿叔孫聞之然後
取之而繫角之絞尚存先聖曰吾道窮矣乃因魯史而作春秋文加褒貶
而修中興之告麟見而天告先聖之亡徵也先聖病夢坐兩楹之間子貢
請見曰子方負杖逍遙於門曰賜汝何來晚也先聖因嘆曰太山頽乎梁
木壞乎哲人萎乎因以涕下子貢曰天下無道久矣莫能宗子后七日不起
年七十三以魯哀公十六年夏四月己丑塋於魯城北哀公十七年立廟
於舊宅守陵廟百戶弟子皆服心喪三年畢相訣而去則哭各盡哀或復
晉唯子貢廬於塚者六年然後去弟子於廟藏先聖衣冠琴瑟車書弟子
及魯人往從塚而家百有餘室因命曰孔里魯世世相傳歲時奉祠於塚
子孫世襲不絕後
高皇過魯以太牢祀孔子有詩贊曰

後祀廟庭 聖德斯尊 肅衣冠 聖澤斯存
漢祖崇儒 躬拜闕里 太牢之祀 百代伊始
聖朝崇奉追封尊號 聖母封魯國太夫人
聖父封齊國公 聖室鄆國夫人



釋氏源流

三教源流大全

一卷

三

釋迦牟尼佛姓刹利父淨飯天母清淨妙位登補處生兜率天上名曰勝
 善天人亦名護明大士度諸天眾說補處行亦於十方界中現身說法普
 耀經云佛初生刹利王家放大智光明照十方世界地湧金蓮華自然捧
 雙足東西及南北各行於七步分手指天地作獅子吼聲上下及四維無
 能尊者即周昭王二十四年甲寅歲四月八日也至四十二年二月八
 日年十九欲求出家而自念言當復何遇即於四門遊觀見四等事心有
 悲喜而作思惟此老病死終可厭離於是夜子時有一天人名曰淨居於
 牕牖中叉手白太子言出家時至可去矣太子聞已心生歡喜即逾城而
 去於檀特山中脩道始於阿藍迦藍處三年學不用處定知非便捨復至
 鬱頭藍佛處三年李非非想定知非亦捨又至象頭山同諸外道日食麻
 來經於十六年故經云以無心意無受行而悉摧伏諸外道先歷試和法
 示諸方便發諸異見令至菩提故普集經云菩薩於二月八日明星出時

成佛號天人師時年三十矣即穆王三年癸未歲也既而於鹿野苑中為
 憍陳如等五人轉四諦法輪而論道果說法住世四十九年後告弟子摩
 訶迦葉吾以清淨法服涅槃妙心實相無相微妙正法將付於汝汝當護
 持并勅阿難副貳傳化無令斷絕而說偈言

法本法無法 無法法亦法

今付無法時 佛法何曾法

爾時世尊說此偈已復告摩訶迦葉吾將金縷贈伽黎衣傳付於汝轉授
 補處至慈世佛出世勿令朽壞摩訶迦葉聞偈頭面禮足曰善哉善哉我
 當依勅恭順佛故爾時世尊至拘尸那城告諸大眾吾今皆痛欲入涅槃
 即往熙連河側娑羅雙樹下右脇累足泊然圓寂復從棺起為母說法持
 示双足化婆耆并說無常偈曰

諸行無常 是生滅法

生滅滅已 寂滅為樂

時諸弟子即以香薪競茶毗之燼後金棺如故爾時大眾即於佛前以偈
 讚曰

三教源流大全

一卷

四

凡俗諸猛熾 何能致火焚

請尊三昧火 闍羅金色身

爾時金棺從坐而牽高七婆羅樹往空中中化火三昧須臾灰生得舍利
 八斛四斗即穆王五十二年壬辰歲二月十五日也自世尊滅後一千一
 十七年教至中夏即後漢明帝夜夢金人身長大項有日光以問群臣
 或曰西方有神其名曰佛陛下所夢得無是乎於是遣使往天竺問其道
 得其書及沙門以來沙門云佛長一丈六尺黃金色項中佩日月光變化
 無窮無所不故能通萬物而大濟群生云



道教源流

金闕玄元太上老君聖紀按洞玄靈寶元始上帝真教元符經道君告皇
帝曰昔天地未分陰陽未判濛濛洪杏冥漠渾大梵寥廓無光結空自然中
有百千萬重正氣而化生妙無聖君歷尊號曰妙無上帝自然元始天尊
一號天寶丈人經九億九萬九千九百九十億萬劫次結百千萬重正氣
而化生妙有聖君自稱妙有大帝虛皇王晨大道君一號靈寶丈人經八
億八千八百八十億劫次結百千萬重道氣化生混沌聖君紀號至真大
帝萬變混沌玄元老君一號神寶丈人老君雖累世化身而未誕生之也
追商第十八王陽甲時分神化氣寄胎於玄妙玉女八十一一年暨第二十
二王武丁庚辰歲二月十五日卯時誕於楚之苦縣瀨鄉曲仁里姓李名
耳字伯陽謚曰聃著道德二經旨又按老君聖紀經太上老君居太清境
乃元氣之祖宗天地之根本於至寂至虛之內大初太始之先惟教御運
布氣融精開化天地所歷成壞一儀不可量計其化身周遍塵沙世界亦

非算數紀極開闢之後觀世代之澆淳隨時立教代為帝師建立法度或
流九天或傳四海自三王而下歷代帝王咸宗奉焉是知天上天下道氣
之內皆老君之化也垂億萬之法無不濟度蓋百姓日用而不知也老子
曰吾乃生乎無形之先起於太初之前行乎太素之元立於太渺之端浮
游幽虛之中出入杳冥之門故著玄序道德經云老子體自然而然生乎
太無之先起乎無因之初經歷天地始終不可稱載又云世人謂老子降
於殷代老子之號始於無數劫甚查實冥渺邈久遠矣開闢已前復下
為帝師代代不絕人莫能知之按老子傳記自開闢之前下至殷湯代代
為王者師皆化身降世當殷湯甲午十七年庚申始示誕生之跡自太清
當道境乘太陽日精化五色玄黃大如彈丸時玉女晝寢流入口中吞之
有孕懷八十一歲至武丁九年庚辰剖玉女左腋而生生而白首號曰老
子生於李樹之下指樹曰此吾姓也自殷武丁九年庚辰下至秦昭王九
年西昇崑崙計九百九十六年矣

按李石續博物志云唐高祖武德三年晉州人吉善行於羊角山見白衣
父老呼善行曰為吾語唐天子吾為老君即汝祖也高祖因立廟高宗追
尊玄元皇帝明皇註道德真經今李者習之兩京及諸州各置玄元皇帝
廟京師號玄元宮諸州號紫極宮尋改西京為太清宮東京為太微宮皆
置李生尊號曰大聖祖高上大道金闕玄元天皇大帝
宋國朝會要曰宋真宗大中祥符六年八月十一日制謹奉上尊號曰
太上老君混元上德皇帝

宋仁宗御讚 大哉至道 無為自然 劫終劫始 先地先天
今光點點 永劫綿綿 東訓尼父 西化金僊
百王取則 累聖攸傳 衆教之祖 玄之又玄



玉皇上帝

按聖紀所載云往昔上世有國名號光嚴妙樂其國王名曰淨德時王
有后名寶月光王乃無嗣嘗因一日作是思惟我今將老而無太子身或
崩滅社稷九廟委付何人作是念已即便勅下詔諸道衆於諸宮殿依諸
科教懸諸幡蓋清淨嚴潔廣陳供養六時行道徧禱真聖已經半載不退
初心忽夜寶月光燿皇后夢太上道君與諸至真金姿玉質清淨之傳駕五
色龍輿擁大景旌陰明霞蓋是時太上道君安坐龍輿抱一嬰兒遍身毛
孔放百億光照諸宮殿作百寶色幢節前道浮空而來是時皇后心生歡
喜恭敬接禮長跪道前曰道君言今王無嗣願乞此子為社稷主伏願慈
悲哀愍聽許爾時道君奏皇后曰願特賜汝是時皇后禮謝道君而乃收
之皇后收已便從夢歸寢而有孕恆一年于丙午歲正月九日午時誕于
王宮當生之時身寶光秋充滿王國色相妙好觀者無厭切而敏慧而慈
善于其國中所有庫藏一切財寶盡皆散施旁極困苦鰥寡孤獨無所依

告飢饉廢殘一切衆生仁愛和遜歌謠有道化及遐方天下仰從歸仁太
子父王加慶賞爾之後王忽告崩太子治政俯念浮生告勅大臣嗣位有
道遂捨其國於普明秀岩山中脩道功成超度過是劫已歷八百劫身常
捨其國為群生故割愛牽道於此後經八百劫行藥治病亟救衆生令其
安樂此劫盡已又歷八百劫廣行方便啓諸道藏演說靈章恢宣正化敷
揚神功助國救人自幽及顯過此已後再歷八百劫亡身殞命行忍辱故
捨已血肉如是脩行三千二百劫始證金僊號曰清淨自然竟王如來
宋真宗實錄曰大中祥符七年九月上對侍臣曰自元符之降朕欲與天
下臣庶同上玉皇聖號至天禧元年正月辛丑朔帝詣太初殿恭上玉皇
大帝聖號曰

格聯

符握昊天整屢載咸沾化育

帝臨玉闕統神人悉在鈞陶

三教授神大全



聖祖尊號

御製靈應記曰景德初王中正遇司命真君傳藥金法上之四年十一月降劉承規之真舍五年始奉上徽號曰九天司命天尊宋真宗實錄曰大中祥符五年十月十七日上夢景德四年先降神人傳王皇命云今汝祖趙有名此月二十四日降如唐真元事至曰天尊降延恩殿閏十月己巳加號聖祖上靈高道九天司命保生天尊



聖母尊號

唐武后光宅二年九月甲寅追尊聖母曰先天太后 祖殿在亳州太清宫是也國朝會要曰天禧元年三月六日冊上聖祖母尊號曰元天大聖后先是大中祥符五年制加上聖祖母號候苑州太極觀成擇日奉上是詔王旦等行冊禮



東華帝君

東華帝君純習在道氣凝湛湛無為將欲啓迪玄功生化萬物先以東華至真之氣化而生木公於碧海之上蒼靈之墟以主陽和之氣理於東方亦號王公焉與金母皆擬質太元毓神玄奧於東方溟漠之中分大道醇精之氣而成形與王母共理二氣而育養天地陶鈞萬物凡天上天下三界十方男子之登仙得道者悉所掌焉居諸方之上按塵外記方諸山在東海之內其諸司命三十五所以錄天上人間罪福帝君為大司命總統之山有東華聖帝君常以丁卯日登臺四望學道之者凡仙有九品一曰九天真皇二曰三天真皇三曰太上真人四曰飛天真人五曰靈仙六曰真人七曰靈人八曰飛仙九曰仙人凡此品次昇天之時先拜木公后謁金母受事既訖方得昇九天入三清拜太上而觀元始故漢初有四五小兒戲於路中一兒詩曰着青裙入天門揖金母拜木公時人皆莫知之唯子房往拜焉曰此東王公之玉童也昔元始告十方天人曰吾自造言三教搜神大全

一卷

混沌化生二儀役御陰陽始封皇上元君自東華扶桑大帝等校量水火定平劫數中皇元年太上於玉清瓊房金闕上宮授帝寶經花圖玉訣使傳後學王名合真之人故玄綱云東華不秘於真訣是也紫府者帝君校功行之所夫海內有三島而十州列其中上島三洲謂蓬萊方丈瀛州也中島三洲謂美蓉閼苑瑤池也下島三洲謂赤城玄關桃源也三島九州鼎峙洪濛之中又有洲曰紫府踞三島之間乃帝君之別理統轉靈官職位較量群仙功行自地仙而至神仙神仙而至天仙天仙而轉真聖入虛無洞天凡三遷也皆帝君主之釋之名也東華者以帝君東華至真之氣化而生也分治東極居東華之上也紫府者職居紫府統三十五司命遷轉洞虛官較品真仙也陽者主東方少陽九氣生化萬彙也帝君者位東方諸天之尊君牧衆聖為生物之主易曰帝出乎震是也故曰東華紫府以陽帝君又真教元符經云昔二儀未分溟滓濛濛洪如鷄子玄黃之中生自然有盤古真人移古就今是曰盤古乃是天地之精自號元始天王游行虛空之中又有太元聖母化生天脊脈中經百劫天王行施聖母遂生天

皇號上皇元年始世三萬六千歲受元始上帝符命為東宮大帝扶桑大君東皇公號曰元陽又考之仙經或號東王公或號青童君或號東方諸君聖朝至元六年正月日上尊號曰東華紫府少陽帝君

三教搜神大全

一卷

十二



西靈王母

西王母者乃九靈大妙龜山金母也號太虛九光龜臺金母曰吾乃西華之至元妙洞虛陰之極尊在昔道氣凝寂湛體無為將欲啓迪玄功化生萬物先以東華至真之氣化而生木公焉木公生於碧海之上蒼靈之墟以主陽和之氣理於東方亦號曰東王公焉又以西華至妙之氣化而生金母焉金母生神於伊川厥姓緤氏生而飛翔以主元毓玄奧於眇莽之中分大道醇精之氣結而成形與東王公共理二氣而養育天地陶鈞萬物矣柔順之本為極陰之元位配西方母養群生蓋主天下三界十方女子之登仙得道咸所隸焉所居崑崙之圃扶風之苑其山之下弱水九重洪濤萬丈飛颺車羽輪不可到也周穆王三十五年命八駿使西巡狩至崑崙賓謁祠見之待白璧重錦以為主壽事時王母以瑤池玕饗紫府瓊漿九天仙樂與穆王燕於瑤池穆王國政不治宗廟荒廢歸至人間國已危矣

王母云

色不止神不靈
心不寧子神不靈

思慮不止心不寧
神不靈子道不成

三教搜神大全

一卷

十三



后土皇地祇

天地未分混而為一二儀初判陰陽定位故清氣騰而為陽天濁氣降而為陰地為陽天者五太相傳五天定位上施日月參差玄象為陰地者五黃相乘五氣凝結負載江海山林屋宇故曰天陽地陰天公地母也世畧所謂土者乃天地初判黃土也故謂土母焉廟在汾陰宋真宗朝大中祥符五年七月二十三日詔封后土皇地祇其年駕幸華陰親祀之今揚州玄妙觀后土祠也殿前瓊花一株香色柯葉絕異非世之常品也真宗皇帝封曰承天効法厚德光天后土皇地祇

三教搜神大全

一卷

十四



玄天上帝

按混洞赤文所載文帝乃元始化身太極別體上三皇時下降為太始真人中三皇時下降為太元真人下三皇時下降為太乙真人至黃帝時下降為玄天上帝開皇初劫下世紫雲元年歲建甲午三月初三日寅庚午時符太陽之精托胎化生淨樂國王善勝夫人之腹孕秀一十四月則太上八十二化也淨樂國者乃奎婁之下海外國上應龍變梵度天玄帝產母左脇當生之時瑞雲覆國異香芬然地土變金玉瑞應之祥茲不備載生而神靈舉措隱顯年及十歲經典一覽悉皆默會仰觀俯察靡所不通潛心念道志氣太虛願輔上帝普福兆民父王不勝抑志年十五辭父母欲尋幽谷內煉元真遂感玉清聖祖紫虛元君傳授無極上道元君告玄帝曰子可越海東遊歷於翼軫之下有山自乾元起跡盤旋五萬里水出震宮自有太極便生是山應鎮定極風天太安皇崖二天子可入是山擇眾峯之中冲高紫霄者居之當契太和昇舉之後五百歲當龍漢二劫中披髮號足攝離坎真精歸根復位上為三境輔臣下作十方大聖方得顯名億劫與天地日月齊并是其果滿也告畢元君昇雲而去玄帝乃如師語越海東遊步至翼軫之下果見師告之山山水水藏沒皆應師言乃入觀覽果有七十二峯之中有一峯聳翠上凌紫霄下有一山當陽虛寂於是玄帝採師之誠目山曰太白山峯曰紫雲峯崑崙曰紫霄崑崙遂即居焉潛虛玄一默會萬真四十二年大得上道於黃帝紫雲五十七年歲次甲子九月初九日丙寅清晨忽有祥雲天花自空而下迷漫山谷繞山四方各三百里林岫震響自作步虛仙樂之音是時玄帝身長九尺面如滿月龍眉鳳目紺髮美髯額如冰清頂帶玉冠身披松羅之服跣足拱手立于紫霄峯上須臾雲散有五真群仙降于玄帝之前道從其盛非凡見聞玄帝稽首恭奉奉迎拜五真曰予奉玉清玉帝詔以子功滿道備昇舉今聞子之聖父聖母已在紫霄天玄帝俯伏恭諾五真乃宣詔畢可特拜太玄元帥領元和遷校府公事賜九德金履月金晨冠瓊華玉簪碧理寶圭素綃飛雲金霞之帔紫綃龍袈丹裳羽屬絳絲之裙七寶鉢衣九光朱履飛紅雲鳥佩太

玄元帥王用乾元室印南北二斗三台龍劍飛雲玉輅丹轡綠輦羽蓋瓊輪九色之節十絕靈幡前嘯九鳳後吹八鸞天下玉女億乘萬騎上赴九清詔至奉行玄帝再拜受詔易服訖飛昇金闕按元洞玉曆記云至五帝世來當上天龍漢二劫下世洪水方息人民始耕殷紂主淫心失道矯侮上天生靈方足衣食心叛正道日造罪孽惡毒自橫遂感六天魔王引諸神鬼傷害衆生毒氣盤結上衝太空是時元始天尊說法於玉清聖境天門震開下見惡氣彌塞天充於是妙行真人叩誠求請願救群黎元始乃命至皇上帝降詔紫微陽則以周武伐紂平治社稷陰則以玄帝收魔間分人鬼當斯時也上賜玄帝披髮跣足金甲玄袍皂纓玄旗統領丁甲下降凡世與六天魔王戰於洞陰之野是時魔王以坎離二炁化蒼龜巨蛇變現方成玄帝神力攝於足下鎖鬼衆於酆都大洞人民治安宇宙清肅玄帝凱還清都面朝金闕元始敕命以玄帝功齊五十萬劫德並三十三天九霄上賴於真威十聖仰依於神化有大利施於下民積聖德通之于玉曆按通簡錄當垂帝真不有徽崇何以昭德特賜尊號拜玉虛師相玄

三教搜神大全 一卷 十六

天上帝領九天採訪使聖父曰淨樂天君明真大帝聖母曰善勝太后瓊真上仙下蔭天闕曰太玄火精陰將軍赤靈尊神地軸曰太玄水精育陽將軍黑靈尊神並居天一真慶之

格聯

紫極騰輝瑞映八方世界
玄天著德恩覃十部閻羅

又

殿向橋東開漢漾水聲登貝帝
地漫坊左聳鬱蒼山色映蒲團

梓潼帝君



按清河內傳余本吳會間人生於周初后七十三代今改為化字帝君曰
吾一十七世為士大夫身未嘗虐民酷吏遇人之急濟人之乏容人之過
憫人之孤性烈而行察同秋霜青天于白日之不可犯后西晉末降生於
越之西雋之南而郡之間是時丁未年二月初三日誕生祥光罩戶黃雲迷
野居處地府近海里人請清河叟曰君今六十而獲貴嗣童稚時不喜嬉
戲每慕山澤往來語言若有隱顯畫誦群書夜避眾子自笑自樂身體光
射居民祈禱則余嗤訕長嘯曰土木而能衣人之衣食人之食享之而有
應謗之而有禍我為人而為無靈乎自后夜夢或為龍或為王者天符或
為水府漕自惟而不甚信為吉兆三農憊早嘉禾無甦舞雩祝神恬然無
驗余思曰寐中夢治水府今夕當驗夜往水際以夢中官函牒河伯而驚
竟尤恐怛怛不能忽爾之間月雲四合風飛雷震一吏稽首余前曰運判
徙居余曰非我也我乃張戶老之子名亞緣水府得達故字潘夫吏曰奉命促子余

曰家人如何吏曰先到治所余惶懼未決吏揖上一白驢而去俛首里開
風雨聲中損失鄉地到一山連劍嶺而撐參宮星也若鳳凰之偃下有古
湫引余入一巨穴門有一石笏吏曰民之禱雨祝此石而有應名曰雷柱
吾方褰衣入穴吏又曰君記周室為人七十三化陰德傳家而迄今否余
方大悟者夢覺也吏曰君在天譜得神之品於人世界有知之者晉不日
有中興之兆君可尋方而顯化余曰謝天使響報也入穴則若墮千仞之
壑近地而足不沾若騰身虛空有王者之宮中有禁衛余入遂見家人悉
都其間改日作儒士往咸陽講姚萇之故事清河內傳焚香者切記廟在
劍州梓潼縣唐玄宗幸蜀神迎於萬里橋追封
左丞相僖宗播遷亦有陰助之功加封順濟王
宋太祖初得蜀也以仁取之以仁守之亦爾神陰陽顯相有以輔吾仁也
靈應廟神加封聖號

忠文仁武孝德聖烈王

聖后協應德惠妃

聖父顯慶慈祐仁裕王

聖母昭德積慶慈淑妃

三教搜神大全

一卷

十八

聖子嗣德王

聖婦善助顯懿夫人

聖孫紹應昭靈侯

聖婦順助惠懿夫人

聖孫承應宣靈侯

聖婦淑惠夫人

佐神英惠忠烈翼濟福安王

聖孫婦惠應夫人

左右桂祿二籍仙官

聖朝延祐三年七月七日加封聖號

輔元開化文昌司祿宏仁帝君

帝君殿在九曲之處蓋九曲水來朝九折而去經行山腹路成七曲其殿
有降筆亭亭中以金索懸一五色飛鸞鸞口銜筆用金花綵數百番常焉
筆下筆墨皆具亭門本府差官封鎖甚嚴以防欺偽之弊降筆記其亭內
有銅鐘自鳴廟吏聞於本府本府差官啓鑰取書以觀報應其降筆多勸
人以忠孝為本詐逆驕僭偽蜀王之曰且犧牲設俎豆繁盛親詣帝
君廟設祭甫欲行礼黑風驟起戒燭撒香逆儀震懼俯伏殿下須臾開明

視祝板已碎作兩片矣 帝君奉
玉帝旨佐南斗注生由是求嗣者多禱焉

上天聖號

金闕昊天檢校洞照通真先生九天開化主宰靈應大天帝上僊無皇君
統僊班證佛果聖號

混天內輔三清內宰大都督府都統三界陰兵便行宜事管天地水三界
獄事收五嶽四瀆真形虎符龍券總諸天星耀判桂祿二籍上僊元皇真
人司祿職貢舉真君須編脩飛僊列籍掌混天造化輪迴救苦天尊九天
定元保生扶教開化生宰長樂永祐靈應大帝定慧證果伽釋梵鎮如來
佛

饒一着添子孫之福壽

退一步免障駒之易過

忍一言免駟馬之難追

息一怒養身心之精神

神霄小吏容雷讚曰

妙哉斯編

誠哉是言

遵守行之

福祐自天

三教搜神大全

一卷

一九



三元大帝

三元大帝乃是元受真仙之骨受化更生再甦為人父姓陳名子喬又曰
陳即為人聰俊美貌於是龍王三女自結為室三女生於三子俱是神通
廣大法力无边天尊見有神通廣法顯現无窮即封為

上元一品九氣天官紫微大帝即誕生之符始陽之氣結成至真處玄都
元陽七寶紫微士宮總主士宮諸天帝王士聖高真三羅萬象星君

中元二品七氣地官清虛大帝九土无極世界洞空清虛之宮總主五岳
帝君并二十四治山九地土皇四維八極神君

下元三品五氣水官洞陰大帝洞元風澤之炁晨浩之精金靈長樂之宮
總主九江水帝四瀆神君十二溪真三河四海神君每至三元日三官考

籍大千世界之內十方国土之中上至諸天神仙升臨之籍星宿照臨國
土分野之簿中至人品考限之期下至魚龍變化飛走万類養動生化之

期並俟三官集聖之日錄奏分別隨業改形隨福受報隨劫轉輪隨業生
三教搜神大全 一卷 二十

死善惡隨緣無復差別宜悉知之

上元一品天官賜福紫微帝君 正月十五日誕生

中元二品地官赦罪青靈帝君 七月十五日誕生

下元三品水官解厄賜谷帝君 十月十五日誕生

東嶽

泰山者乃群山之祖五嶽之宗天帝之孫神靈之府也在兗州奉符縣今泰安州是也以梁父山為儲副東方朔神異經曰昔盤古氏五世之苗裔曰赫天氏赫天氏曰胥勃氏胥勃氏曰玄英氏玄英氏子曰金輪王金輪王弟曰少海氏少海氏妻曰彌輪仙女也彌輪仙女夜夢吞二日覺而有娠生二子長曰金蟬氏次曰金虹氏金虹氏者即東岳帝君也金蟬氏即東華帝君也金虹氏有功在長白山中至伏羲氏封為太歲為大華真人掌天仙六籍遂以歲為姓諱崇其太歲者乃五代之前元上天尊所都之地今之奉高是也其后乃水一天尊之女也至神農朝賜天符都官號名府君至漢明帝封泰山元帥掌人世居民貴賤高下之分祿科長短之事十八地獄六案簿籍七十五司生死之期聖帝自堯舜禹湯周秦漢魏之世只有天都府君之位按唐會要曰武后垂拱二年七月初一日封東岳為神岳天中王武后萬歲通天元年四月初一日尊為天齊君玄宗開元



十三年加封天齊王宋真宗大中祥符元年十月十五日詔封東嶽天齊仁聖王
至祥符四年五月日尊為帝號
東嶽天齊仁聖帝
淑明皇后
聖朝加封大生二字餘封如故
帝五子
宣靈侯
惠靈侯
至聖炳靈王
居仁盡孝尊師
佑靈侯
帝一女
王女大仙即岱岳太平頂王仙娘娘是也